



Expediente IET: P-20-596
Proxecto: Parque eólico Alto de Montouto
Concellos: Covelo e A Cañiza (Pontevedra)
Promotor: Alto de Montouto, S.L.

INFORME DE IMPACTO E INTEGRACIÓN PAISAXÍSTICA

De acordo co artigo 37.1 da Lei 21/2013, do 9 de decembro, de avaliación ambiental, e co artigo 11.3 da Lei 7/2008, do 7 de xullo, de protección da paisaxe de Galicia, con data do 15/03/2021 a Xefatura Territorial de Pontevedra da Vicepresidencia Segunda e Consellería de Economía, Empresa e Innovación, achega ao Instituto de Estudos do Territorio (IET) documentación relativa ao proxecto Parque eólico Alto de Montouto.

1. Antecedentes:

Con data do 20/11/2020 o Instituto de Estudos do Territorio emitiu un informe sobre este proxecto, no marco do procedemento de avaliación de impacto ambiental ordinaria. Nese informe indicábase que o estudo de impacto e integración paisaxística (EIIP) elaborado axustábase formalmente ao disposto no artigo 11.2 da Lei 7/2008, do 7 de xullo, de protección da paisaxe de Galicia, e nos artigos 26 e seguintes do Regulamento da Lei 7/2008, e as medidas de integración paisaxística propostas, considerábanse, en xeral, adecuadas; porén facíanse unhas consideracións en relación á necesidade de adoptar medidas para reducir o impacto visual sobre os núcleos rurais de existir unha manifesta preocupación social, a minimizar a afección aos afloramentos rochosos presentes na contorna das infraestruturas, principalmente na posición do aeroxerador 5, e sobre as condicións de integración paisaxística do edificio previsto para albergar o centro de seccionamento.

Posteriormente, con data do 26/05/2021, o IET emitiu un segundo informe no que se consideraban cumprimentadas as indicacións efectuadas por este departamento. Porén, sinalábase que o EIIP tíñase que completar co disposto no artigo 11.2d da Lei 7/2008 e no artigo 27.d do Regulamento da Lei 7/2008, e que as medidas correctoras deberíanse incorporar ao proxecto segundo o establecido no artigo 30.3 do Regulamento da Lei 7/2008.

A documentación achegada pola Xefatura Territorial de Pontevedra é a contestación da empresa promotora ao informe do IET do 26/05/2021.

2. Marco legal:

Consonte co artigo 15 da Lei 1/2021, do 8 de xaneiro, de ordenación do territorio de Galicia, e co artigo 28 do Decreto 244/2011, do 29 de decembro (modificado polo Decreto 42/2019, do 28 de marzo), o Instituto de Estudos do Territorio (IET) é o órgano competente para emitir este informe en materia de paisaxe, de acordo co que para tal efecto establecen os artigos 32 e 33 do Regulamento



para o desenvolvemento da Lei 7/2008, do 7 de xullo, de protección da paisaxe de Galicia (Decreto 96/2020, do 29 de maio).

En desenvolvemento da Lei 7/2008 aprobáronse o Catálogo das paisaxes de Galicia (Decreto 119/2016, do 28 de xullo) e as Directrices de paisaxe de Galicia (Decreto 238/2020, do 29 de decembro).

De acordo co artigo 11.1 da Lei 7/2008, todos os proxectos que deban someterse a declaración de impacto ambiental deberán incorporar no estudo de impacto ambiental un estudo de impacto e integración paisaxística (EIIP), como documento específico no que se avaliarán os efectos e impactos que o proxecto poida provocar na paisaxe e as medidas de integración paisaxística propostas. O contido do EIIP debe axustarse ao disposto no artigo 11.2 da Lei 7/2008 e nos artigos 26 e seguintes do Regulamento da Lei 7/2008.

3. Informe:

A documentación achegada pola empresa promotora, que consta dunha addenda ao EIIP coa xustificación do cumprimento das Directrices de paisaxe, vén a emendar o EIIP do proxecto, en consecuencia, o seu contido axústase ao disposto no artigo 11.2 da Lei 7/2008, do 7 de xullo, de protección da paisaxe de Galicia, e nos artigos 26 e seguintes do Regulamento da Lei 7/2008.

En todo caso, lémbrese que de acordo co artigo 30.3 do Regulamento da Lei 7/2008, as medidas correctoras previstas deberán quedar oportunamente recollidas no proxecto.

O xefe do Servizo de Planificación da Paisaxe
José Luís Álvarez Vicente

O director do Departamento Técnico de Estudos
José Antonio Serantes Barbeito

Visto e conforme, o director do Instituto de Estudos do Territorio
Francisco Barea Paz

(Documento asinado electronicamente)

